

中国边疆研究资料文库·边疆民族资料初编

綜合

中国边疆研究资料文库·边疆民族资料初编

綜合

新學堂
PDG

内容提要

中国边疆历史上多有变迁,居于边疆地区的民族也随之发生多次变迁。迄至中华人民共和国,分布于此疆的世居少数民族约有 30 余个,其中大部分跨境分布。边疆民族的兴衰从一个侧面反映了边疆地区历史演变轨迹,对于当今构建新型民族关系,具有重要参考价值。本专辑首先对这 30 余个边疆世居民族的历史资料进行梳理编目,同时兼收历史上居住在边疆地区的民族资料。这些资料除了廿四史等正史外,旁及别史、文集、旅行杂记、战事档案等,系统编排,为研究者提供较完整的资料。

责任编辑:石红华

装帧设计:郭京

图书在版编目(CIP)数据

边疆民族资料初编.综合/《边疆民族资料初编》

编委会编. —北京:知识产权出版社,2011.6

ISBN 978-7-5130-0547-0

I. ①边… II. ①边… III. ①少数民族—民族历史—史料—中国 IV. ①K28

中国版本图书馆CIP数据核字(2011)第086998号

边疆民族资料初编:综合(全11册)

本书编委会

出版发行:知识产权出版社

社址:北京市海淀区马甸南路1号

网 址: <http://www.ipph.cn>

发行电话:010-82000860 转 8101/8102

010-85238322

印 刷:北京联创佳印图文设计有限公司

开 本:787mm×1092mm 1/16

版 次:2011年6月第1版

字 数:1837.2千字

投资策划:上德经纬文化传媒有限公司

邮 编:100088

邮 箱:bjl@cnipr.com

传 真:010-82005070/82000893

责编邮箱:shihonghua@cnipr.com

经 销:新华书店及相关销售网点

印 张:382.75

印 次:2011年6月第1次印刷

定 价:6500.00元

ISBN 978-7-5130-0547-0/K·089 (10339)

出版版权专有 侵权必究

如有印装质量问题,本社负责调换。

数字资源
PDG

足本萬曆武功錄 (二)

瞿九思撰





廣東

巢賊賴元爵藍一清諸酋列傳

螺螄酋長以什數。賴元爵最大。馬公酋長以什數。藍一清最大。洋烏酋長以什數。刁世興最大。大坪酋長以什數。陳世通最大。掩桑酋長以什數。鄒嘉儒最大。此皆有許朝綱。溫希政。鄧坤五。鄧坤七。宋徵。曾永興。盧伯能。宋貴仁。葉惟茂。廖清。葉景祥。賴文清。賴元禎。戴之槌。李志東。丘青山。爲之羽翼也。而又有高潭。高潭酋長以什數。馬祖昌最大。赤花酋長以什數。馬祖盛最大。藍溪酋長以什數。黃民泰最大。鮐溪酋長以

什數。黃貴最大。東坑酋長以什數。李仲山最大。高砂
酋長以什數。廖和尚最大。石坑酋長以什數。陳旗最
大。九丫酋長以什數。曾廷鳳最大。黃捕酋長以什數。
曹志良最大。烏石酋長以什數。楊崖最大。爛田酋長
以什數。曾文端最大。葫蘆酋長以什數。曾萬璋最大。
捕尾酋長以什數。黃明時最大。八萬酋長以什數。謝
福最大。陂烏酋長以什數。曹勝最大。麻竹酋長以什
數。王栗江最大。碗窰酋長以什數。葉景清最大。汕步
酋長以什數。丘萬頃最大。半埔酋長以什數。鄒愛清
最大。銅坑酋長以什數。曾仕龍最大。洋口酋長以什

數。肅宗最大石門酋長以什數。廖一統最大溪沙酋
長以什數。厓石懷最大。而以童阿禿爲南哨。倪敬夫
爲海哨。余松峰爲中哨。至和平烏虎鎮。則又有徐仁
器酋。諸略酋。徐譚酋。黃永沐酋。皆賴元爵。藍一清等
所分據。此皆惠潮阻山橫行者也。前是嘉靖中西長
伍端溫七。黃世喬。蘇繼相等。後先犯惠潮。上使大
將軍數與兵擊破之。其後上卽位。念惠潮久勞苦
軍旅。有詔減年租稅。予貧民。亾何。和平人何友
益。長樂人顏天週。海豐人葉宗德。歸善人姚鏞。皆後
先伏闕。奏賴元爵諸酋罪。於是下本兵譚綸問狀。

幸 賜制置使殷正茂往正之。制置使既乘傳到官。惠潮諸生三老。盡負弩矢。蛇行出國門數十里。遠者數百里。皆匍伏道左。並跪起。悲號動天地。制置使下車。進諸生三老前。問狀。諸生三老皆嗚咽失聲。不能對。廼以所繪圖陳前。圖賴元爵藍一清。延袤八百餘里。盤牙四十八巢。一切皆流血丹地。二酋提劍揮鼓。晝夜騎馬好出劫。所過道上行人皆敷躬巾體。有焚斃死者。有溺水死者。有隕絕崖谷間而死者。戰戰慄慄。唯恐逢二酋。二酋至。或剥面斃腦。甚者殺至舉宗。白骨塞道。鬼神皆爲夜哭。而二酋志氣揚揚。剖孕婦。

以視胎。粥嬰兒以飼馬。烹兒。必使母燃火殺父。必使子旁觀。創囊戶而貫胸。斷手足以爲璣。二酋皆以爲笑樂。大自媿快也。制置使覽觀繪圖。悽然傷懷者良久。於是竊跡前事。請數自隆慶初至辛酉末。圍寨凡二百餘所。殺虜凡千萬餘人。而其最者。二年入長埔圍。殺盧伯茂等二百五十人。虜三百餘人。又入康公圍。殺陳吉卿等二百餘人。虜二百餘人。入大魚池圍。殺吳元卿等三百餘人。虜二百餘人。其三年春入馬屎岡圍。殺翁廷珊等二百餘人。虜一百八十餘人。其四年夏入塩路際圍。殺黃本光等二百餘人。虜三百

餘人。其十一月入牛橋圍。殺袁理等二百餘人。虜諸生劉澤輝及男婦三百餘人。其十二月入栢田村。殺陳子富等三百餘人。虜五百餘人。其五年春二月入鵝埠嶺。殺劉五等二百餘人。虜三百餘人。其八月入大埔屯。殺董思明等三百餘人。虜三百餘人。其四月入小瀝圍。殺五百餘人。把總徐天麟。斬葉亞三等首九十六級。其六月入孔子門。逮至三坑。撫民葉景清行捕。斬謝十一等首十五級。其十一月入上下淮都至白沙仔圍。殺朱朝邦等一百七十餘人。大入水東。至青塘天罡。又入長樂至船坑鐵場。入龍川至羅洋。

李田入通衢至田心入寬仁至上村復入孫坪殺略葉元等而去其十二月入船澳圍殺黃復陽等二百餘人虜三百餘人是時嶺東曾廷鳳曾萬璋已遣子入學而嶺西陳金鶯羅紹清譚權伯亦皆矜甲面縛就湯鑊於是馬祖昌等畏威歸降主計者可之獨給中張楚城以爲許降非是大略謂初伍端黃世喬發難時率聚黨不至數千人假令當事者旋即撲滅何如有後日乎今曾廷鳳江漢王栗江葉景清馬祖昌等請歸降皆詐也於是一意以征討爲務矣而制置使廼與直指使楊一桂決策卽召布政使張子弘叅

政使魏文煥按察使江一麟副使劉穩李渭陳復升王璽僉事使何子明李材趙可懷諸察都指揮侯繼高大會庭中卽以赤白囊請兵餉時金錢在閩者得四萬在省會者得留鹽鐵贓罰事例大率八萬七千六百兩於是屬同知周宗武陳學麟毛爲光轉穀軍中熊曉及通判胡誠何志實龔修推官章如鉦祠兵然後徵左右江土兵凡二萬人而以叅議使顧養謙爲監軍軍歸善叅政使陳奎爲監軍軍長樂副使吳一介爲監軍軍永安是歲隆慶壬申也期以十二月初二日出師前是冬月末副觀察使蘇愚徵使通判

胡誠守備使徐天麟出擊。生獲酋長鄒嘉儒、賴文清、宋徵等二十六人，俘獲三人，奪馬、牛、羊四頭。被鹵一人。其初二日遊擊王瑞引裨將葛子明進攻冷陽峒，先登破之，斬首五十一級，俘獲二百二十五人，奪牛馬六十八頭。沈思學許成攻馬公寨，卻敵先登，斬首二十三級，俘獲六人。黃道追逐至蕉坑，生得彭一生等一十三人。樓子和直擣螺溪巢，時酋長賴元爵已亾，抵象窖大山矣。而養謙及通判徐師稷指揮王之野、諸生張邦聘追亾逐北至磨刀埔，鏖左坑戰象窖，斬首四十四級，俘獲四十七人，被鹵四人，奪獲馬七

騎器械三十有四。其初四日。把總許成。包潮。樓子和。張仲椿。帥指揮汪克振。土吏黃恩隆。提兵至張田。卻敵。斬陳容等首五十七級。俘獲四十二人。奪獲馬牛一百一十五頭。恩隆又與指揮黃卷。疏捕南嶺。斬首一十四級。俘獲生口三人。其初八日。總兵楊桂。復引兵攻馬公寨。擊螺溪。直抵西坑。磨刀埔。斬首一十四級。俘獲二十五人。奪馬八蹄。吏目黃道。獲殺賊四百四十五人。奪被虜七十五人。其初九日。皇華使張可大。以一軍軍螺溪。後山天麟。以一軍軍大磧山。斬首七級。俘獲二十八口。奪獲牛馬五十有二。許成以一

軍軍萬舉渴裏村。搏戰斬王阿三等首六十五級。俘獲十六口。奪牛二頭。其十一日。總兵張元勲。叅政唐九德。引遊擊王瑞。及徐天麟兵。追至南嶺。鏖戰斬首四百一十級。俘獲九十七人。奪獲牛馬二十八頭。器械三十有二。叅將沈思學。引許成。張仲椿兵。乘勝逐北。斬首二百七十一級。指揮祖萬松。引把總王之臣兵。斬首一百八十九級。俘獲十八口。奪牛馬牛九頭。知縣陳中立。引鄉兵捕伏。生得李和等七人。叅政使陳奎。引叅將李誠立兵。還攻大溪峯。老巢。擊大安山。斬首二百二十級。俘獲二百有五人。奪獲牛馬二

百九十頭。器仗一百一十有餘。其十二日。復引兵疏捕南嶺。還攻萬峯山。斬薛萬寶等首四十六級。俘獲四十九人。奪獲牛四頭。器仗十條。王瑤及徐天麟追亾逐北。至柘口橫峯山。斬首四十五級。俘獲四十二人。招獲鍾時明。劉大倉等二百五十一人。裨將楊桂及典史王策。引兵疏捕陳田鴈山。斬鍾一道等首四十三級。俘獲二人。其十七日。叅將李誠立。引把總張禮兵攻葫蘆峯。斬首捕虜二百一十三級。俘獲二百二十人。奪牛畜器械皆以百數。殺賊皆犇走三溪嶺。生老巢。其十八日。誠立卽懸千金。曰。能衝鋒斬級者。